

Shimoigiat ga Lakāga, shikshaksh-gum gagaud shipshiebunum waikia,

13 Dik gagaud shima nagazāou shimt, na gakgumgaud da shim, amilth shgūlth ligi gunhou shim ligit nā; niwālda na wila gumgaudsh ga Miyān ga gwashim, ninilth di wāl shim:

14 Ada kshlakā dida tkāni gwa shiebunsh ga shim, nini n'da dalkthēum wha nahakhokshk gut.

15 Ada ām na gungiakshk gish Christ dumt in algiaga gagaud shimt, gū ninit gik wil shagait tka gūeltgum hūkhūitk ga shimt: ada dhoiyuk shim.

16 Am dum shim zūgum lūhokshk ga na algiaksh Christ dida gagaud shimt ā tkāni gunwilgaushk gut; na shik shūwilaigamga shim na shagaud da shima Psalmsit, dilth liami, dilth liamim lakāt, liami shim alth hokshk gulth amagagaud shim ash ga Shimoigiat ga Lakāga.

17 Ada ligi gaulth wāl shim ā algiagut ligi zaba shimt, wāl shima tkāni dit ash ga n'zum wāsh ga Miyān gut Jesus ga, dhoiyukshish ga Shimoigiat ga Lakāga Nagwāt ga ash niat ga.

18 Hanānak, hūkwā'anshk ga shima guninakshk ga shimt, āwil tkulām dum wāl dit ash ga Miyān ga.

19 Yōta, shipshiebun guninakshk ga shimt, ada gilau shimgul houit ga shim dash dupniat.

20 Gubutgūelthk, wā'an na gana-giatk ga shimt ā tkāni gaut; āwil nini gwai shim anagash ga Miyān ga.

21 Ganagwāt, gilau ma shim sha hadak ga gauda klthgū shimt, dum wil wha dilthdaltha gagaudit.

22 Tkulhūkwāulimlthk, hūkwā'-anshk ga shima tkāni gaut ā gami-yāntk ga shimt ā wālum shamet; althga amuksha da nishk ga shim, niwāldat in hūkshalthgwishgū giadiit:

yagai shim lūgūelum gaudit alth shūlgunshk ga shim ash ga Miyān ga.

23 Ligi gau wāl shimt, shim lūgou'unshk ga shim walumsh Miyān gulth wil wāl shim, ada al aina giadiit;

24 Alth ma shim wilai Miyān ga ma dum shim wil wā dum kshtānshk gish ga dum gishiyāt ga: āwil hakhalthalsha shim gish Miyān gut Christa ga.

25 Awilt nā wāl dida gisha dit dum hazukshum wāi da gisha wāl dit; ada althga di zigaushinshkgum giat.

CHAPTER IV.

1 Gamiyāntk hoigiagum āzagum wāl shimā tkulhūkwāulimlthk ga shimt, alth ma shim wilai dhā di Miyān shim gish ga zum lakāga.

2 Lthawila shimgit gīgiengwaklth shim, nilth wil liltksha shim alth dhoiyukshim:

3 Alth di gīgiengwaklth shim ā gum, ā dumt wil gagut ga Shimoigiat ga Lakāga lukshauga da gum ash ga algiak ga, dup dum wil malthash ga na niyūshk gish Christa ga, gū guna di didaklthk gūt;

4 N'dum wil ālūdā'an dit, gū n'dum gup houyūt.

5 Wālukshim shpagait gunwilgaushk ga shim a āwāsh dupniadit gū kshtagialuga dit, dawilgaushk ga timet.

6 Am lthawila hokshk ga ām da alalgiak shimt, gish ga maun dalth, ma dum shim wil wilai dum wila gup dilamak ga shim da tkāni dit.

7 Dum wilaiyinsh Tychicus tkāni wila wālū da gwashim, gū shiebunum waigit, dilth shimhoum hūkhalth-alshit, dilth shila tkulwāulimlthk gut ash ga Miyān ga:

8 Gū gwai na gun gup haiz dida gwashim dumt wil wilaiyin wila